



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Francisci Xaverii E Societate Iesv Indiarvm Apostoli
Novarvm Epistolarvm Libri Septem**

Francisco <de Javier>

Romæ, 1667

Epistola XII. Eidem.

[urn:nbn:de:hbz:466:1-46129](#)

E P I S T O L A X I I .

E I D E M .

CArissime in Christo Frater, Deus sit semper tecum. ut varia tuæ literæ nunciant, ita earum lectione sum variè affectus. delectavit me plurimum illa earum pars, quâ memoras, ingenti te animi fructu nuperâ istius regionis Villarum ac Pagorum lustratione perfunctum. contra perculit me & sâvâ specie turbavit mentio ipsa captivitatis tuæ, cuius esse te in periculo præsenti, & scribis, & video. Ea si contingere, non priùs partem quietis ullam caperem, quam Te, quod futurum brevi sperarem, Deus reddebet nobis; nec ipsis videlicet expertibus similium laborum atque discriminum. Cedant utinam omnia in laudem & gloriam ejusdem Dei Nostri Optimi ac Maximi Domini. In istas ego partes Sacerdotem è nostris unum misi, qui pagatim ediceret, ut naves expedirent, marique imponerent, per cuncta isthæc litora, quod videlicet conscendere omnes & solvere possent, antequam opprimerentur à feris latronibus, quorum proxi-

H 4

mam



120 S.FRANCISCI XAVERII

mam isthuc irruptionem non temerè auguror , certior factus armari ad hoc eos & manum cogere , quâ totam Oram usque ad mare latè vastent . Id me docuit Primarius quidam Canacar benevolus Christianis terram istam incolentibus . Miseram ad eum ego certum hominem cum Epistolâ Regi Travancoris inscriptâ , quam ut ipse redderet rogabam , simulque pro eâ quâ valet apud eum Regem (cui est in intimis) gratiâ , conjungeret cum meis suas preces , ad impetrandum ut feriò prohiberetur Badegis , ne miseros istos Christianos infestarent , nam eorum , ut sibi factas , interpretaturum & ulturum iniurias Indiæ Prætorem . Erat cur sperarem facturum quod rogabam , nam & mihi amicus , & erga Christianos , uti dixi , benè affectus ille Canacar est , multis ex ijs sibi cognatos & propinquos habens . Venit is ad me non officij solùm , sed etiam auxiliij gratiâ , prolixè offerens quidquid posset . Ad hunc ergo cum scripsissem , ut si Badegarum effrænum hominum impediri Regis autoritate latrocinia nequirent , daret saltem operam , ut ego admonerer in tempore de mox futurâ per ipsos Oræ direptione , quod mature curarem , ut Christiani subductis in altum , impos-



inpositi navibus, terrestris vastationis cedes
ac voliationes fugâ præverterent. Id modò
ille cum fide præsttit. Dedi etiam ad Præ-
fectum literas, orans ut navigium majus,
quod vocant Caturem, armatum præsidio
naviculis istorum inermibus mitteret. Tu
etiam aque etiam ingeminans injunge Oræ
incolis, præsertim remotioribus à mari,
ut Speculatores fidos & vigiles idoneis lo-
cis statuant, qui explorata in horas nun-
ciant, ne quâ nocturnâ equitatis incursio-
ne opprimantur, antequam descendere pa-
ratas naves, & terrâ in tutum queant eve-
hi. Sed cum hæc instantissimè commenda-
veris, parum ipsis fidis censeo. Novi ego
socordiam & tenacitatem ignavissimam isto-
rum, quos duorum fanoum sumptum in-
tam necessarios vigiles facere pingeat. Tu
ipse per te ac tibi fidos vigila, & cura;
jam nunc deductis in mare Cymbis mulieres
& parvulos imponi urgens; uteris etiam
occasione tristis temporis ad tantò instan-
tiùs exigendum, maximè ab imbelli Sexu
& ætate, ut ad Deum recitandis Orationi-
bus recurrent. Magister orandi optimus
metus est: præcipue cum, ut istis nunc,
non aliunde quam à Deo spes auxilij af-
ful-



122 S.FRANCISCI XAVERII

fulget. Deest h̄ic mihi ad scribendum Char-
ta. Reposueram apud vos in capsā quan-
dam ejus rei copiam. ex eā quantum est
opus ad pr̄sentem usum per certum lom-
inem curriculō mittas velim. Per eindem
tuas literas expecto, quæ me doceant, ec-
quid jam in aquâ naves stent, ecquid jam
imposita ijs domestica Supellex & tenues
copiæ periclitantium in terrâ familiarum
sint, cum matribus ac prole. Si nondum
id peractum, quād strenuissimè in eo labore-
tur. Antonium Fernandem, quem Crassum
vulgò dicunt, meo nomine adi & adjura
per quam colit mecum amicitiam, ut quan-
tum meā causā vult, totum conferat in sa-
lute miseræ istius plebis, autoritate illi suā,
ut fugam expediant, consilens, ad eamque
compellens, ut ad unicum pr̄sidium vitæ,
non libertatis. Vitæ inquam & sanguinis.
nam ditiores fortè à latronibus avidis spe-
lytri ac redemptionis abducendi sperentur:
Pauperes à quibus avaritia nihil expectet,
cruelitas trucidabit scilicet. Iterū &
super omnia inculco, effice ut per noctes
stent quidam in speculis, multis passim lo-
cis per totam Oram, pr̄sertim, ut nunc
est, plenilunio nocturnis grassationibus lu-
men



men opportunum præferente . Suâ vos
Deus, quæ una certa est , custodiâ defen-
dat. Vale . Manapare III. Nonas Augusti
An.ciclico.

Tui Amantissimus in Christo Frater-

Franciscus.

E P I S T O L A X I I I .

E I D E M .

C Arissime in Christo Frater. Iterum in-
culco tibi naëtus novam occasionem ,
eadem quæ hoc ipso die manè scripsi ;
etiam atque etiam obsecrans , ut miserrimam
istam Gentem , in tantâ suâ calamitate ,
quantum omni conatu potes , subleves &
confoleris : utque (quod in parte summæ à
caritate tuâ gratiæ , pro urgenti desiderio ,
numeraverim) statim cum fide indices ,
quid verè Tutucurini actum sit . Malè me-
tuo ne Tutucurinenses hi tumultus cladis
aliquod auctarium in istos , aliunde plus fa-
tis miseros , Christianos inferant . Tanta hic
confernatio est ex anxiâ formidine impen-
den-